



www.BibleForChildren.org


Juan 14



Chaypitana disipuluncunata Jesús cayno niran: «Ama llaquicuychu-llapa. Chaypa ruquenga Tayta Diosman yäracuy. Nogamanpis yäracamuy. Taytä caycashan cajchöga tiyanapaj jäcunmi. Chaymanmi ñaupar aywashaj camariycänäpaj.»




«Chaycho wasi mana jäcuptenga manami «camarej aywashaj» nëmanchu. Camarircurnami cutimushaj gamcunata pushanäpaj. Chaynöpami noga tiyashä cajcho gamcunapis tiyanquipaj.»



Noga Juan yärajoj-masiquimi cä.
Ñacachishushayquinöllami nogatapis Jesusman
yäracushäpita ñacachimän. Cay pachacho

ñacarpis gamcunanöllami
paypa ñaupancho

imaycamapis
cashaj.




Nogaga Tayta Diospa willacuyninta
willacushäpitami y Jesucristupita
willacushäpitami lamar chaupin Patmos


tishgucho prësu caycarä.



Jinan öra Espíritu Santu ricachimaran mandajpa
jamacunan sillun syëlucho caycajta.
Chay sillunchönami juc jamaraycaran.




Chaynöpis wiyarä syëlucho caycajcuna, cay pachacho
caycajcuna, lamar rurincho caycajcuna,
llapanpis Tayta Dios camashan
cajcunaga alabar cayno
nircaycajta: «¡Mandaj jamacunan
silluncho jamaraycaj y Cashni
uyshaga imaycamapis
alabasha
caycullächun!»
nir.




Ricarä mushoj Jerusalén siudätapis Tayta Diospa ñaupanpita bäjaycämojta. Casarananj mushoj röpan jatisha jipashno cuyayllapaj caycaran. Chaychömi wiyarä sillun cajpita sinchipa cayno nimojta: «Cananga Tayta Diospa tiyanan runacunachönami caycan.


Paycunawannami goyanga. Acrashan runacunami canga. Quiquin Tayta Diosmi Diosninpis canga.»



Chaypitanami anjil ricachimaran imaycamapis
cawachicoj chuya mayuta. Chay yacuga
llojshiyämuran Tayta Dios y Cashni uysha
jamaraycashan sillun rurinpitami.



Chay siudäta quiquin Tayta Dios y Cashni uysha
achicyapaptinmi intipis ni quillapis mana canganachu.




Chaychöga caycanga Cashni uyshapa libro de
bidancho jutincunata apuntasha cajcunallami.
Chaychöga manami cangachu
juchasapacuna, pengaypaj
llutanta rurajcuna ni
llullacojcunapis.



«Wagay manami canganachu.
Wañuy manami canganachu.
Nanächicuypis, Ilaquicuypis
manami canganachu.
Unay caj cawaycunaga
llapannami ushacanga.»




Chay siudächöga manami maldisyunädu canganachu.
Chaychöga Tayta Dioswan Cashni uyshami caycanga.
Sirbejnincunanami sirbir aduraycanga. Chaychöga
Tayta Diosta llapanmi rejsengapaj. Llapan chaycho
cajcunapa
urcuncunachömi
Tayta Diospa
jutipis
señalaraycanga.




Sillun ñaupanchönami ricarä wañushanpita llapan
runacuna cawarircamur ichirpaycajta. Chaymi
librucunata Tayta Dios quicharan. Juc libruchömi
apuntaraycaran Tayta Diospa ñaupancho imaycamapis
cawananpaj cajcunapa jutincuna. Waquin
librucunachönami apuntaraycaran
runacuna cawaycashan-wichan allita
u mana allita rurashancunapis.

Chaymi Tayta Diosga
runacunata jusgaran
imanöpis librucho
isquirbiraycashanno.
Libro de bïdacho
jutincuna mana apuntaraj
cajcunataga nina rataycaj
gochamanmi gaycuriran.



Espíritu Santupis Jesucristuta chasquicojcunapis
«¡Juclla cutimuyna tayta!» niycan. Cay librucho
isquirbiraycajcunata liguimushanta wiyajcunapis
«Cutimuyna tayta» nichun. Yacunajcunaga shamuchun.
Munajcunaga dibaldilla upuchun imaycamapis



Tayta Diosga runacunata fiyupa
cuyarmi japallan cuyay wamranta
cachamuran Payman pipis yäracoj
cäga mana wañunanpaj chaypa
ruquenga imaycamapis
cawananpaj.



Romanos 3:23 Llapan runami juchayojlla caycan.
Chaynöpami salbacoj Tayta Diosninchipa ñaupanpitapis
carucho caycanchi.

Romanos 6:23 Jucha rurayllacho cawajcunapa pägonga
wañuymi. Tayta Dios gomashanchimi ichanga Tayta
Jesucristuwan imaycamapis cawananchipaj caycan.

Hebreos 9:27 Chayno juc cutillami pi-maypis wañun.
Chaypitaga cawarimonga imano goyashanpitapis jugasha
canallanpänam.

Efesios 2:8,9 Tayta Diosninchichi cuyapäcoj carmi
Jesucristuman yäracuptiqui salbashurayqui. Manami
imatapis rurashcanquichu salbasha canayquipaj. Chaypa
ruquenga quiquin Tayta Diosninchichi munarmi
salbashurayqui. Manami allicunata rurashayquipitachu
salbashurayqui. Chaymi pipis mana alli-tucongachu
«caytami wactami rurashcä» nir.



Romanos 10:9,10 Chaura Jesucristo Taytayqui cashanta willacorga y wañushanpita Tayta Diosninchi cawarachimushanta rasunpa riguerga salbashami canquipaj. Jesucristuta cawarachimushanta riguiptinchëga Tayta Diosninchi allimi ricamëshun. Jesucristo Taytanchi cashanta niptinchëga salbashami cashunpaj.

Juan 3:16,17 «Tayta Diosga runacunata fiyupa cuyarmi japallan cuyay wamranta cachamuran Payman pipis yäraoj cäga mana wañunanpaj chaypa ruquenga imaycamapis cawananpaj. Diosninchëga cay pachaman wamranta cachamusha payman yäraojcunata salbananpämi, manami castigasha cananpächu.»



1 Juan 5:11-13 Tayta Diosga willachimashcanchi Wamran Jesucristuman riguir mana ushacaj cawayta tarinanchipaj cashantami. Chay cawayga Wamrallanchömi caycan. Tayta Diospa Wamranman yäraojcunaga mana ushacaj cawaytami tarin. Mana yäraoj cajmi ichanga chay cawayta mana tarengachu. Gamcunamanga cartata apaycächimö Tayta Diospa Wamranman riguishayquipita mana ushacaj cawayta tarishayquita musyanayquipämi.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Quechua, Huallaga Huánuco Bible (qub) © 2010, Wycliffe
Bible Translators, Inc. All rights reserved. In cooperation with
Asociación Cristiana JAWCA.

<https://www.bible.com/bible/1088/MAT.1>

©2025 Bible for Children, Inc.

www.M1914.org

www.bibleforchildren.org

